

BULETIN HSE

ISU 17



'KELESTARIAN ALAM SEKITAR'



ALAM SEKITAR

MS | 2

APA ITU KELESTARIAN



KESIHATAN

MS | 5

MENTAL DAN FIZIKAL



KESELAMATAN

MS | 6

PENJAGAAN TAYAR

2 ALAM SEKITAR

BAGAIMANA ALAM SEKITAR MENYUMBANG KEPADA KELESTARIAN

Apa itu 'KELESTARIAN'?

Bumi yang lestari dapat digambarkan sebagai persekitaran bumi yang kekal bebas daripada sebarang kerosakan alam. Sejak kebelakangan ini alam sekitar kian diancam dan tercemar dari pelbagai aktiviti tidak beretika sehingga mengakibatkan kelestariannya tergugat. Masyarakat kita masih gagal dalam memahami dan mengamalkan konsep kelestarian terhadap alam sekitar.

Kenapa pentingnya untuk mengekalkan kelestarian alam sekitar?



Faktor kelestarian alam sekitar terancam

Pembangunan infrastruktur yang tidak terkawal	Kamajuan teknologi	Habitat flora dan fauna terjejas	Kepupusan flora dan fauna
Sikap rakus/tamak manusia	Sikap tidak ambil peduli terhadap alam sekitar	Kehidupan sekarang tidak dapat diwarisi oleh generasi yang akan datang	Bencana alam

Contoh tindakan manusia yang menggugat kelestarian alam sekitar di Malaysia:

1. Kegiatan pertanian yang tidak terancang, pembukaan tanah tanpa kawalan serta penebangan hutan yang keterlaluan di Cameron Highlands membawa kepada masalah tanah runtuh dan banjir lumpur. Ia juga telah mengorbankan nyawa penduduk dan merosakkan harta benda seperti penempatan, jalan raya, sektor perladangan, dan kawasan tадahan air.
2. Isu pembuangan sisa bahan kimia ke dalam Sungai Kim Kim, Taman Pasir Putih, Pasir Gudang telah memberi impak kepada kesihatan manusia. Seramai 2,775 orang telah dimasukkan ke hospital akibat terhadu bahan kimia, gas metana. Sikap tidak ambil peduli oleh setengah pihak telah memberi kesan kesihatan serta boleh mengancam nyawa orang lain. Selain daripada itu, ia juga menyebabkan pencemaran sumber air dan mengancam pendapatan penduduk yang bekerja sebagai nelayan. Sesi persekolahan juga telah ditutup sepanjang krisis tersebut yang membawa kerugian kepada bidang pendidikan.

Apa Yang Harus Dilakukan?



Penguatkuasaan yang berkesan daripada pihak kerajaan



Pemeliharaan dan pemuliharaan hutan



Kerjasama antara pihak kerajaan dan syarikat swasta



Mempergiatkan kempen cintai alam sekitar



Memupuk rasa cinta alam sekitar seawal daripada sekolah rendah

Peranan UMW

Menyedari kepentingan mengekalkan kelestarian alam sekitar, Kumpulan UMW telah terpanggil untuk menyumbang ke arah menangani isu global dan tempatan seperti perubahan cuaca, pencemaran udara, mengurangkan penggunaan sumber yang tidak boleh diperbaharui dan penggunaan sumber air. Pada 30 April 2019, ‘Kick Off Program on Development of UMW Environmental Action Plan’ telah diadakan yang dihadiri oleh pihak pengurusan atasan syarikat dan pengamal HSE UMW. Program ini bertujuan untuk berbincang dan merangka Pelan Tindakan Alam Sekitar untuk 5 tahun bagi Kumpulan UMW. UMW sedaya upaya ingin membantu bagi memastikan kelestarian itu dapat dikekalkan.

Antara gambar semasa ‘Kick Off Program on Development of UMW Environmental Action Plan’ diadakan:



Sesi pembentangan ‘Sustainability Report 2017’ dan kriteria serta penilaian alam sekitar oleh Pn. Razni Abdul Razak, Investor, Media Relations and Sustainability (IMRS)

Ucapan pembukaan daripada En. Abdul Aziz Edar, GHSE



Sesi Perkongsian oleh Pn. Shaniza Sehat, UMW Toyota HQ

Sesi pembentangan oleh En. Norzahreen Zaharimi, GHSE

Sesi ‘brainstorming’ dan perancangan pelan tindakan alam sekitar untuk 5 tahun oleh wakil pihak pengurusan syarikat dan pengamal HSE UMW



Ucapan penutup oleh En. Zailani Ali, Pengarah Eksekutif, Kumpulan Sumber Manusia Kumpulan

Peserta bergambar dengan En. Zailani Ali di akhir program

PENGAJARAN DARIPADA KEJADIAN KEMALANGAN

KES 1

Tarikh : 1 Mac 2019
Bilangan hilang hari bekerja : 8 hari

Butir-butir kejadian

Semasa menutup pintu pejabat, mangsa meletakkan bar besi di bahagian tengah pintu. Secara tiba – tiba bar besi tersebut terjatuh dan terkena hidung mangsa. Mangsa dibawa ke klinik untuk mendapatkan rawatan susulan dan diberikan cuti sakit selama 8 hari

Langkah pemberian



- Memberi taklimat keselamatan berkaitan hazard di tempat kerja kepada semua pekerja

KES 2

Tarikh : 22 Februari 2019
Bilangan hilang hari bekerja : 6 hari

Butir-butir kejadian

Setelah melakukan kerja pemeriksaan dan membaiki pam air yang bocor di 'washing bay', mangsa cuba menghidupkan pam bagi memastikan tiada kebocoran yang berlaku. Tiba – tiba muncung hos air tersebut bergerak sendiri disebabkan oleh tekanan air yang kuat lalu melibas muka mangsa. Dia dibawa ke klinik bagi mendapatkan rawatan susulan. Mangsa mengalami kecederaan di bahagian hidung serta Bengkak di bawah mata dan diberikan cuti sakit selama 6 hari.

Langkah pemberian

- Memberi taklimat keselamatan kepada pekerja supaya mematuhi SOP iaitu hos tersebut perlu diletakkan di tempat yang sepatutnya
- Mempamerkan papan tanda amaran bahaya di kawasan pam tersebut sebagai peringatan awal kepada pekerja
- Mengenal pasti bahaya-bahaya di persekitaran sebelum memulakan kerja serta mematuhi papan amaran hazard yang diletakkan di kawasan kerja.



APA ITU KESIHATAN FIZKAL & MENTAL ?

Kesihatan mental merupakan satu cara hidup yang memerlukan keseimbangan dari segi aspek fizikal, psikologi, kerohanian dan sosial. Semua ini saling berkaitan dan mempengaruhi kebolehan seseorang bertindakbalas dengan cara yang sesuai dan sewajarnya.

KESIHATAN FIZIKAL

Bebas daripada:

- Kesakitan
- Ketidakupayaan fizikal
- Penyakit kronik dan berjangkit
- Ketidakselesaan tubuh badan yang memerlukan perhatian daripada pakar perubatan.

KESIHATAN MENTAL

- Bijak menguruskan tekanan (stress)
- Bekerja dengan produktif
- Boleh menyumbang kepada masyarakat
- Berfikir dengan waras

Tahukah Anda?



1 daripada 3 rakyat Malaysia mengalami masalah mental.




Wanita 1.5% - 3% lebih berisiko menghadapi masalah kemurungan berbanding lelaki

15.7% daripada kes kemurungan adalah pelajar

11.2% remaja mempunyai niat untuk membunuh diri.

9% merancang untuk bunuh diri.

10.1% melakukan cubaan untuk bunuh diri.



LANGKAH PENCEGAHAN



JOM PERIKSA TAYAR ANDA

Kebanyakan pemandu masih tidak tahu cara memeriksa tayar dengan betul dan bilakah tayar tersebut perlu ditukar. Rata-rata hanya bergantung kepada mekanik untuk memaklumkan perkara tersebut. Walhal, amalan memeriksa tayar ialah sesuatu yang sepatutnya dilakukan semua pemandu. Keadaan tayar ialah sesuatu yang sangat penting kerana ia mempengaruhi cara kereta mencengkam jalan dan menentukan risiko kemalangan sesebuah kenderaan itu tinggi atau rendah.

Tips Mudah Periksa Tayar Kenderaan

 <p>Pastikan pemeriksaan tayar dilakukan sebelum memulakan perjalanan</p>	 <p>Periksa tekanan tayar sekurang-kurangnya sebulan sekali termasuk tayar ganti</p>	 <p>Periksa tayar dengan kerap untuk mengenal pasti haus atau kerosakan luar biasa</p>
 <p>Ubah kedudukan tayar depan dan belakang setiap 5,000 KM perjalanan atau mengikut buku panduan kenderaan</p>	 <p>Dapatkan khidmat pakar untuk memasang dan mengimbang tayar</p>	 <p>Pastikan stereng dan suspensi sentiasa diselaras dengan baik</p>



Petua Keselamatan & Penjagaan Tayar Kenderaan

1. Pastikan penjajaran (alignment) dan pengimbangan (balancing) tayar dilakukan setiap 10,000 KM perjalanan atau sekiranya tayar bermasalah (contohnya stereng berasa gegar atau kenderaan lebih cenderung ke satu arah)
 2. Sentiasa pastikan tayar yang baru atau tayar yang masih tebal bunganya dipasang dibahagian belakang
 3. Pemeriksaan tekanan angin tayar dengan tolok (pressure gauge) waktu tayar sejuk dan maklumat tekanan angin tayar yang betul boleh didapat pada pelekat khas dipintu pemandu
 4. Sentiasa pastikan skru (bolt) tayar dipasang dengan betul dan kemas

APA ITU GAS HIDROGEN SULFIDA (H₂S)?

Gas H₂S wujud di beberapa industri/ sektor dan ia memberi risiko serta membahayakan kesihatan dan keselamatan pekerja. Antaranya:

Kilang cari gali minyak & gas	Kilang pemprosesan minyak & gas	Proses pengangkutan dan penyimpanan bahan kimia yang mengandungi H ₂ S	Pekerjaan di ruang terkurung (cth: aktiviti pembersihan tangki, terowong)	Kerja rawatan air kumbahan dan sistem pembetungan	Pusat perlupusan sampah

Masuk ke dalam badan manusia melalui pernafasan



Tidak berwarna

Tidak dapat dilihat



Mudah terbakar

Boleh dikenalpasti dengan bau telur busuk



Beracun dan mengakis

SIFAT-SIFAT GAS H₂S

KESAN KESIHATAN JANGKA PENDEK



Keletihan



Mual



Sakit mata



Hilang selera makan



Pening



Batuk



Hilang deria bau sementara

PENTING!

Pendedahan kepada kepekatan H₂S yang tinggi boleh menyebabkan:

- Seseorang tidak sedarkan diri, dan apabila bangun akan mengalami sakit kepala, mengurangkan tahap ingatan, memori dan mengganggu fungsi motor badan.
- Peningkatan cecair yang berlebihan di dalam paru-paru.

LANGKAH PENCEGAHAN BAGI MEREKA YANG TERDEDAH KEPADA H₂S KETIKA BEKERJA

Sebelum bekerja:



Memastikan orang kompeten membuat pemeriksaan sistem pengudaraan di tempat kerja



2. Memasang sistem ventilasi / kipas untuk merendahkan tahap H₂S pada setiap masa.



3. Merancang pelan tindakan kecemasan dan memastikan semua pekerja dilatih dan bersedia setiap masa.

Ketika bekerja:



1. Menggunakan peralatan perlindungan peribadi (PPE) yang bersesuaian.



2. Pekerja perlu memakai ‘personal gas detector’ setiap masa untuk memantau tahap kepekatan H₂S.

PEMENANG CARI BARANG TERSEMBUNYI & SLOGAN KESELAMATAN



TEMPAT PERTAMA



Noor Ammilia Shahira bt. Mohamad Redza
UMW Corporation Sdn. Bhd.

Slogan : Accident is Tears, Safety is Cheers



TEMPAT KEDUA



Mohd Hafiz Hafzam
UMW Industries (1985) Sdn. Bhd.

Slogan : Lebih baik kehilangan 1 minit dalam kehidupan daripada kehilangan kehidupan dalam 1 minit



TEMPAT KETIGA



Ellie Anna Liza Anak Soret
UMW East Malaysia, Miri

**Slogan : Four attitude to ensure safety,
S – Stay alert, A – Act safe,
F – Follow rules , E – Emphasize compliance**

8 AKTIVITI



TAKLIMAT ASAS KESELAMATAN KEBAKARAN OLEH PEGAWAI BOMBA, UMW BUKIT MINYAK
19 JANUARI 2019



LATIHAN SISTEM BERKOMPUTER PENCEGAH KEBAKARAN UNTUK JURUTEKNIK KESELAMATAN ASSB BUKIT RAJA
21 JANUARI 2019



CERAMAH KESELAMATAN JALAN RAYA OLEH PEGAWAI JKJR, MENARA UMW
30 JANUARI 2019



LATIHAN 'ISO 45001 AWARENESS & HAZARD IDENTIFICATION, ASSESSMENT OF RISK AND OPPORTUNITIES (HIARO)' UMW GROUP
19 & 20 FEBRUARI 2019



LATIHAN 'HSE GREEN CARD' UMW CORPORATION SDN BHD
28 FEBRUARI 2019



LATIHAN 'BASIC OCCUPATIONAL FIRST AID AND CPR' KEPADA PEKERJA UMW UMW GROUP
5 & 6 MAC 2019



PERLANCARAN ISO 45001 : 2018, CAWANGAN KUCHING
12 MAC 2019



PERLANCARAN ISO 45001 : 2018, CAWANGAN MIRI
14 MAC 2019



CERAMAH KESELAMATAN JALAN RAYA OLEH PEGAWAI JKJR, UMW EQUIPMENT, SHAH ALAM
21 MAC 2019



PERLANCARAN ISO 45001 : 2018, CAWANGAN SANDAKAN
25 MAC 2019



PERLANCARAN ISO 45001 : 2018, CAWANGAN KOTA KINABALU
28 MAC 2019



ISO 45001:2018 DOCUMENTATION WORKSHOP' UMW GROUP
1 APRIL 2019



TAKLIMAT KEBAKARAN DAN LATIHAN MEMADAM API, UMW IPOH
8 April 2019



TAKLIMAT KESEDARAN OHSAS 18001:2007 UMW CORPORATION SDN. BHD.
4 – 12 APRIL 2019



PENAKSIRAN RISIKO BAHAN KIMIA TERHADAP KESIHATAN (CHRA), UMW EQUIPMENT, UMW INDUSTRIES (1985), UMW INDUSTRIAL POWER SERVICES
24 APRIL 2019



AUDIT PEMANTAUAN OHSAS 18001:2007 OLEH SIRIM QAS INTERNATIONAL SDN. BHD, UMW SHAH ALAM, UMW BUKIT MINYAK & UMW IPOH
15 APRIL 2019 – 30 MEI 2019